

I nderuar Z.Kryetar Leskaj,

Shkelqesia Juaj Z. President Nishani,

Shkelqesia Juaj Z. Ambasador Lu

Te nderuar Z.Brace, Z. Manjani.

Te nderuar kolege, Z.Llalla, Z. Totozani, Z. Sejko, Z. Ganaj

Te nderuar profesore, auditues e pjesëmarrës !

Duke Ju falenderuar për ftesën, për të qënë pjesë e procesit të analizës vjetore dhe të reflektimit të institucionit që Ju drejtoni, do të theksoja se viti i kaluar ka qënë një vit i rëndësishëm për bashkëpunimin ndërinstitucional i Kontrollit të Lartë të Shtetit me Autoritetin e Konkurrencës.

Viti 2015 shënoi :

Disa proçese hetimore dhe monitorime janë realizuar nga instituoni i mbrojtjes së konkurrencës pas shqetësimeve të adresuara nga Kontrolli i Lartë i Shtetit.

Disa autoritete kontraktuese kanë përcjellë konstatimet dhe rekomandimet e audituesve të shtetit, të cilat evidentonin problematika në funksionimin e tregut të prokurimeve publike.

Qeverisja, si koncept përcakton kush ka fuqinë, kush merr vendime, mënyrën se si dëgjohen aktorët e tjerë dhe se si kontrollohet përgjegjshmëria.

Një qeverisje e mirë sjell: manaxhim të mirë, performancë të mirë, një kujdesje të mirë për paratë publike, përfshirje të publikut dhe si rrjedhojë një rezultat të përgjithshëm të mirë ekonomik.

Mekanizmat që garantojnë një qeverisje të mirë përbëhen nga tre elementë kyç:

**rregullat e brendshme dhe kufizimet**, të tilla si: sistemet e auditimit, pavarësia e sistemit gjyqësor dhe i Bankës Qëndrore, rregullat për shërbimin civil dhe buxhetin;

**“zëri”** - e drejta e votës dhe partnershipi, përdorimi i instrumentit të vlerësimit të performancës së shërbimit ndaj publikut; dhe

**Konkurrenca** - sisteme konkurruese në ofrimin e shërbimit për publikun.

Spektori publik luan një rol jetik për shoqërinë. Në shumicën e ekonomive, shpenzimet publike përbëjnë një pjesë të rëndësishme të produktit të përgjithshëm bruto, ndërsa entitetet e sektorit publik janë pjesëmarrës të rëndësishëm në tregun e kapitaleve, të mallrave e shërbimeve, si dhe në tregun e punës.

Efiçenca e përdorimit të fondeve publike është e lidhur në një masë të konsiderueshme me nivelin e konkurrencës në tregun e prokurimeve publike si dhe me zbatimin e parimeve bazë të ekonomisë së tregut: atë të transparencës, së mosdiskriminimit dhe trajtimin e barabartë të të gjithë ofertuesve të produktit apo shërbimeve.

Pa dyshim, një rol shumë vendimtar luajnë punonjësit e administratës së autoritetit kontraktor, të cilët mund të shkaktojnë kufizimin e konkurrencës nëpërmjet specifikimeve jo të arsyeshme, duke u udhëhequr nga interesi i përfitimit personal.

Për mirëfungsionim të tregut të prokurimeve publike, që është gjithashtu pjesë e mirëqeverisjes, është e domosdoshme të merren në konsideratë dy sfida kryesore që janë të ndërlidhura me njëra-tjetrën:

**sigurimi i integritetit** gjatë procesit të prokurimit (d.m.th eliminimi i korrupsionit tek nënpunësit e administratës që realizojnë procesin); dhe

**promovimi i konkurrencës** efektive midis ofertuesve, duke përfshirë parandalimin dhe ndalimin e marrëveshjeve të ndaluara apo sjelljet e bashkërenduara midis furnizuesve dhe heqjen e barrierave administrative apo praktikave, të cilat në mënyrë të panevojshme kufizojnë konkurrencën reale dhe efektive.

Këto dy sfida janë sa të ndërlidhura me njëra – tjetrën aq edhe të ndara, duke marrë si bazë shkaqet e shfaqjes, të cilat duhet që të njihen dhe të merren në konsideratë nga politikbërësit.

Autoriteti i Konkurrencës në Shqipëri paraqet një eksperiencë relativisht të pasur krahasuar me vitet e funksionimit dhe të zbatimit të Ligjit “Për mbrojtjen e konkurrencës”.

Këto eksperiencia lidhen me ndërhyrjet për të ndaluar sjelljet anti-konkurrese nga disa operatorë gjatë procesit të prokurimeve publike: si p.sh. në tregun e makinave të reja, atë të sigurisë fizike, ndertimi i infrastrukturës rrugore, etj.

Gjithashtu edhe duke përdorur instrumentin e advokacisë së konkurrencës nëpërmjet rekomandimeve për përmirësime ligjore dhe respektimin e filozofisë së konkurrencës: në formulimin e kriterëve apo në përcaktimin e madhësisë së

loteve, si dhe për rritjen e transparencës së procedurave si në rastin e blerjes së energjisë elektrike nga kompania që e shpërndan.

Të nderuar kolegë,

Mirëqeverisja është detyrimi ynë i përbashkët, prandaj bashkëpunimi real ndërinstytucional përbën një instrument shumë të rëndësishëm dhe jetik.

Rritja e efikasitetit të aseteve dhe të fondeve publike është sfida jonë e përbashkët për vitin 2016 e më tej, si një domosdoshmëri jetike për rritjen ekonomike dhe mirëqënien e qytetarit.

Institucioni i konkurrencës i uron punë të mbarë dhe suksese auditit të lartë të shtetit në ditën e sotme dhe në vitin në vijim.